

乙亥真睿

周礼医巫补注

成都曾默躬敬书



成都義生
堂所有權



周禮醫師補注

敘曰石頑張氏謂軒轅以治兵之餘治病故醫字下筆
從匡國語之兵不解醫本此中藏矢爰內攻藏府之疾
與用兵不異其下從酉酉古酒字從古服藥多以酒助
則是醫能攻疾猶爰矢然然爰矢殺人豈不可畏哉周
公作周禮天官冢宰其屬醫師有上士下士府史若干
人爲之分其職制其食稽其事其輕重何如也史公別
傳扁倉不與龜莢日者相次非以其能生死人而以醫
師爲司命哉自小戴雜取秦漢以來傳記爲王制一篇
乃曰凡執技以事上者祝史射御醫卜及百工不貳事

不移官出鄉不與士齒由是醫師品格不列士流不知
執技事上云者卽仲景所謂上療君親之疾皇甫士安
所謂忠孝之心仁慈之性云爾非眞賤業也況不貳事
使精其業不移官使終其事雖不甚重猶不甚輕也至
班固撰漢書藝文志始以通天達地出入死生之醫經
醫方列之方技後世史家翕然宗之與卜巫星相混列
而醫師遂輕且微矣嗟夫以出入死生之事而等諸無
足重輕之列王仲宣名士也仲景謂其有病四十當眉
落又半年而死令服五石湯仲宣嫌其言忤受湯勿服
後二十年果眉落又八十七日而死雖曰輕命實輕醫

也徐文伯良醫也梁武帝膺九錫之命范雲忽中疾召
文伯視之文伯曰緩之一月乃復欲卽時愈二年不復
可救雲曰朝聞夕死何況二年文伯乃下火而牀重衣
以覆之有頃流汗二年果卒雖曰輕醫實輕命也醫師
旣輕無論搢紳績學之士不肯從事於斯卽一二粗識
之無名聲修潔者亦卑卑不以爲意顧疾病人所時有
不可須臾離也於是鄉里庸人江湖下士皆得攘臂其
間甚至販夫走卒優皂輿臺無不濫竽充數如此之倫
有如魑魅魍魎禹鼎不能鑄陸離光怪溫犀不能照又
何醫師之足重哉猶憶往年有一大醫揮塵而譚曰茵



陳治黃疸而利水余私議其誤時座有十數醫人與余
爭辯且各出坊本藥性賦以質之則果疸也人則有書
可據我但口舌而爭一字之訛鑄成大錯黃鐘瓦釜異
口同聲長夜漫漫何時旦當今之世誰足當醫師之目
哉此固周公當日所不及料矣醫師一篇其於醫經原
旨本草大綱早已舉其凡而握其要惟鄭賈諸儒語焉
不詳不免滄海遺珠之憾不揣固陋逐條增補以貢一
得之愚甚願有志斯道者踵而起焉俾軒岐之業絕而
復續生人之命危而得安豈區區爲醫師爭輕重哉乙
亥三月望日張驥自序於義生堂

周禮醫師補注

漢

鄭

元

注

唐朝散大夫行大學博士弘文館學士賈公彥等疏

唐國子博士兼太子中允贈齊州刺史吳縣開國男陸德明釋文

雙流張驥先識補注

醫師上士二人下士四人府二人史二人徒二十人

注曰醫師眾醫之長醫意其反

釋曰案其職云掌醫之政令聚毒藥以供醫事諸醫皆在此者醫亦有齊和飲食之類故設在飲食之間也

補注醫說文治病工也从毆从酉會意毆訓中擊聲
酉卽酒周禮酒人辨四飲之物二曰醫酒有和意毆
訓擊中有和百藥而中病者之意吳塘謂醫爲醬屬
取其由蒸變而成之物又能變蒸人之脾胃也醫士
之名醫取其能蒸變而成學術自能蒸變人之疾病
由痛苦而平和醫師醫官也由周以來後漢百官志
太醫令一人六百石五代有翰林醫官使宋制翰林
醫官使副各二人明仿儒學之制置醫官謂之醫學
府正科一人州典科一人縣訓科一人皆不給祿清
代尙沿其例急救篇古稱醫生爲醫匠神仙綱鑑吳

會張善勲講求脈理翫味藥性討論五行勝復習熟
五鍼迎隨爲京周所知召試之以爲醫師掌萬民之
疾苦隸於天官時有瘍醫公孫智叔記問詳博武王
鬚生一疽一夕潰決智叔以藥傅之應手而瘥善勲
因舉以代已職韓愈進學解醫師之良

醫師掌醫之政令聚毒藥以供醫事

注曰毒藥藥之辛苦者藥之物恆多毒孟子曰若藥
不瞑眩厥疾不瘳

釋曰醫師者眾醫之長故掌醫之政令言聚毒藥以
供醫事者謂所有藥物並皆聚之以供疾醫瘍醫等

故言以供醫事注言毒藥藥之辛苦者細辛苦參雖
辛苦而無毒但有毒者多辛苦故云毒藥藥之辛苦
者又云藥之物恆多毒者藥中有毒者謂巴豆狼牙
之類是也藥中有無毒者謂人參芎藭之類是也藥
之無毒亦聚之直言聚毒藥者以毒爲主故鄭云藥
之物恆多毒

補注毒爾雅惡也一曰害也毒藥有毒之藥也分大
毒常毒小毒各種素問藏氣法時論毒藥攻邪異法
方宜論西方之民其治宜毒藥至眞要大論有毒無
毒所治爲主適大小爲制五常政大論大毒治病十

去其六常毒治病十去其七小毒治病十去其九本
經名例毒藥療病先起如黍粟病去卽止不止倍之
不去十之陶宏景曰今藥單行一兩種有毒如巴豆
甘遂將軍不可便令盡劑如經所云一物一毒服一
丸如細麻二物一毒服二丸如大麻三物一毒服三
丸如胡豆四物一毒服四丸如小豆五物一毒服五
丸如大豆六物一毒服六丸如梧子從此至十皆梧
子爲數魚毒木名見爾雅釋木急救篇芑華一名魚
毒漁者投之水中魚卽死而浮出故以爲名芑一作
杭鷄毒鳥頭別名淮南子主術訓天下之物莫凶於



鷄毒然良醫索而藏之有所用也又狗毒繩毒俱草
名見爾雅釋草注此皆草木之大毒者書若藥弗瞑
眩厥疾弗瘳東洞吉益藥徵序藥毒也藥毒而攻病
毒所以瞑眩又攻疾之具則藥皆毒而疾醫之司也
養精之備則辨有毒無毒而食醫之職也其說亦有
見

凡邦之有疾病者疖瘍者造焉則使醫分而治之
注曰疖頭瘍亦謂禿也身傷曰瘍分之者醫各有能
疏曰國中有疾病者謂若疾醫所云者是也疖瘍者
謂若瘍醫所云者是也云造焉者此二者皆來造醫

師也云醫師則使醫分而治之者疾病者付疾醫疔
瘍者付瘍醫故云分而治之

補注疾說文病也一曰疾也徐注病來疾故从矢矢
急疾也病說文疾也玉篇疾甚也釋名病怵也故病
輕曰疾疾重曰病左傳疾病則亂注言疾之重薦也
疔音匕說文同博雅疔痂也病源有白禿赤禿二種
凡人皆有九蟲在腹內蟻蟲發動最能生瘡乃成疽
癰瘍疥之屬頭生瘡有蟲白痂甚痒其上髮並禿落
不生謂之白禿無白禿有汁皮赤而痒謂之赤禿瘍
集韻一曰創瘍左傳襄十九年荀偃癰疽生瘍於頭

疏頭創也曲禮身有瘍則浴注身傷曰瘍此疔專在頭瘍兼在身也

歲終則稽其醫事以制其食十全爲上十失一次之十失二次之十失三次之十失四爲下

注曰食祿也全猶愈也以失四爲下者五則半矣或不治自愈

疏曰漢書藝文志神農黃帝食禁七卷云量寒濕疾病之淺深辨五苦六辛致水火之齊以通閉解結反之於平乃失其宜者以熱益熱以寒益寒積氣內傷是以獨失故諺云有病不治恆得中醫若然此經失



四之類亦是以寒益寒以熱益熱言有病不治恆得中醫故鄭云五則半矣或不治自愈

補注食祿也禮坊記與其食浮於人也寧使人浮於食注十全謂十不失一也素問至真要大論余錫以方士而方士用之尙未能十全示從容論子務明之可以十全靈樞卯氣藏府病形篇上工者十全九中工十全七下工十全六根結篇上工平氣中工亂脈下工絕氣危生六十三難知一爲上工知二爲中工知三爲下工上工者十全九中工者十全八下工者十全六



食醫掌和王之六食六飲六膳百飧百醬八珍之齊

注曰和調也

補注六食卽膳夫六穀稌黍稷梁麥苽是六飲卽漿
人水漿醴涼醫醢是六膳膳牲肉也膳用六牲卽馬
牛羊豕犬鷄是均見周禮饔飧類篇思留切進獻也一
曰致滋味曰羞字彙膳也薦也膳膳饔羞並同醬膳
夫醬用百有十二饔注謂醢醢也八珍膳夫珍用八
物注謂內則淳熬淳母炮豚炮牂擣珍漬熬肝膾是
陸佃謂牛羊麋鹿麇豕狗狼後世侈爲龍肝鳳髓豹
胎鯉尾鴟炙猩唇熊掌酥酪蟬又爲醍醐麀吭野駝



蹄鹿唇駝乳麋天鵝炙紫雲漿玄玉漿並見類函
凡食齊眠春時羹齊眠夏時醬齊眠秋時飲齊眠冬時
注曰飯宜溫羹宜熱醬宜涼飲宜寒

疏曰言食者卽上六食則內則所云食齊一也言飯
之齊和眠猶比也四時常溫比於春時故鄭云飯宜
溫羹齊眠夏時者謂大羹鉶羹菜羹等其所齊和四
時常熱故云眠夏時羹宜熱故也云醬齊眠秋時者
案醯人醯人唯有醯醢不言醬卽豆醬也公食大夫
公親設醬醬者食之主言醬則該諸豆實四時皆須
涼故言醬齊眠秋時云飲齊眠冬時者謂若醬人六

